

古  
詩  
賞  
析

古詩賞析卷十七目錄

宋詩

鮑照

下

梅花落

東門行

放歌行

白頭吟

東武吟

淮南王

出自薊北門行

鳴雁行

春日行

行路難

十八首  
選十

吳邁遠

古意贈今人

長相思

沈慶之

侍宴詩

陸凱

贈范曄詩

湯惠休

怨詩行

劉侯

詩

沈玩

前溪歌

七首  
選二

鮑令暉

代葛沙門妻郭小玉作

二首  
選一

無名氏

華山畿

二十五首  
選一

讀曲歌

八十九首  
選十二

烏夜啼

八首  
選一

古詩賞析卷十七

吳縣張玉穀蔭嘉選解

蔣曾煊德融

門人

蔣曾熿德明

校字

甥 嚴廷燦景初

男 大鎔禹金

宋詩

鮑照下

梅花落

擬橫吹曲辭漢橫吹曲。○郭樂府梅  
花  
落  
本  
笛  
中  
曲  
也  
按  
唐  
大  
角  
曲  
亦  
有

大單于。小單于。大梅花。小梅花。等曲。今其聲猶有存者。

中庭雜樹多。偏為梅客嗟。問君何獨然。念其霜中能作花。露中能作實。搖蕩春風媚春日。念爾零落逐寒風。徒有霜華無霜質。  
言雖能於霜中作華。而不能如霜質之不畏寒也。

此賦梅花落本意也。前二以雜樹襯醒。獨為梅嗟。作領筆。中四推原其故。先就可愛作一開勢。花實叠句。而用韻却收上。領下。格法比漢樂府有所思篇。更為奇橫。後二點清零落逐風。借霜質。致慨作結。

東門行  
擬漢古辭相和歌辭瑟調曲

傷禽惡弦驚。倦客惡離聲。

戰國策更羸謂魏王曰。臣能虛發而下鳥。有鴻

雁從東方來。更羸以虛弓發而下之。曰。其飛徐者。其創痛也。悲鳴者。久失羣也。故創未息而驚心未忘。聞弦音引而離聲斷客情。賓御皆涕零。涕零心

高飛。故創墮。

離聲斷客情。賓御皆涕零。涕零心

斷絕將去復還。訣一息不相知。何況異鄉別。遙遙

征駕遠。杳杳白日。晚居人掩閨。臥行子夜中。飯野

風吹草木。行子心腸斷。食梅常苦酸。衣葛常苦寒。

絲竹徒滿座。憂人不解顏。長歌欲自慰。彌起長恨

端

此爲行客念家之詩。前四追敘將出門事。突然  
比起。點出離情。賓御涕零。先用旁人作襯。涕零

四句接寫訣別遲回。以一息暫離。尚不相知。挑醒異鄉遠別之恨。遙遙六句。點次就道行色。卽以居人陪出行子。再寫苦景一句。頓足行子腸斷。後六忽插酸寒。自知兩喻。收出絲竹難以解憂。長歌彌起長恨。截然竟住。神理直逼漢京。

### 放歌行

擬晉傅毅相和歌辭。瑟調曲。

蓼蟲避葵藿。習苦不言非。

蓼苦菜。葵藿皆甘菜。楚辭。蓼蟲不徙於葵藿。言

不徙葵藿。食甘美也。

小人自齷齪。安知曠士懷齷齪。

局促雞鳴洛城裏。禁門平旦開。冠蓋縱橫至。車騎

四方來。素帶曳長飈。華纓結遠埃。

禮大夫素帶。

日中安

能止。鐘鳴猶未歸。

崔元始正論。永寧詔曰。鐘鳴夷漏盡。洛陽城中不得有行者。

世不可逢。賢君信愛才。夷世平明慮自天斷。不受

外嫌猜。天指君而言一言分珪爵。片善辭草萊。楊子解嘲析人

之珪擔。豈伊白璧賜。將起黃金臺。上谷郡國經曰燕昭王築黃金

臺。置千金於臺上。今君有何疾。臨路獨遲回。君指

以延天下之士

之自放者。此慨小人不知曠土之詩。前四句以蓼蟲生不識甘。突然比起。篇意全攝。雞鳴八句。寫小人之疲於奔競。齷齪形狀可憐。夷世八句。寫小人之熟於揣摩。齷齪心事可鄙。後二句。收到不知曠土之懷。妙在不作斷語。卽以小人詰語顯出。以見自吐供招。又妙在不綴答語。竟就小人詰語縮住。以見不屑教誨。

白頭吟

擬漢卓文君相和歌辭楚調曲

直如朱絲繩。清如玉壺冰。

朱絲繩琴瑟之絃也。玉壺冰以玉壺貯冰也。

何慙宿昔意。猜恨坐相仍。人情賤恩舊。世議逐衰

興。毫髮一爲瑕。邱山不可勝。

言人情苟有厭舊之情。他人議論遂逐其

衰興而甚之。因使衰者微瑕若大過也。

食苗實碩鼠。點白信蒼蠅。

點白注見卷八曹植贈白馬王彪詩

鳬鵠遠成美。薪芻前見陵。

韓詩外傳

田饒事魯哀公。而不見察。謂哀公曰。雞有五德。君猶日瀹而食之。以其所從來者近也。黃鵠一舉千

里。止君園池。食君梁稻。無此五者而貴之。以其所從來者遠也。芻亦草也。史記汲黯謂武帝以陛下

用羣臣如積薪。

申黜褒女治。班去趙姬升。周王日後來者居上。

淪惑漢帝益嗟稱。周幽王得褒姒而黜申后漢成帝寵飛燕而疎班婕妤心  
賞猶難恃貌恭。豈易憑。呂氏春秋所恃者古來共。  
如此非君獨撫膺。

此擬棄婦自傷之詩與卓文君原辭同意前四  
就絲冰爲比以已無慚德猜恨何心自詰而起  
人情八句懸揣猜恨之故在於人心厭故因而  
得進諛言頓生嫌隙隨疊用四比以申明之後  
入正說棄舊憐新之痛却又援古爲比醒出心  
賞貌恭之不可憑恃自來如此不必撫膺收住  
用一君字若旁人指  
點者然筆極靈活

東武吟

擬晉陸機相和歌辭楚調曲

主人且勿誼賤子歌一言僕本寒鄉士出身蒙漢

恩始隨張校尉占募到河源

張校尉謂張繡占募卽應募也

後還

李輕車追虜窮塞垣

李廣爲輕車將軍從大將軍擊右賢王塞垣長城也

密

塗亘萬里寧歲猶七奔

左傳吳入州來子重子肌反於是乎一歲七奔命

力盡鞍甲心思歷涼溫將軍旣下世部曲亦罕存

時事一朝異孤續誰復論少壯辭家去窮老還入

門腰鎌刈葵藿倚杖牧雞豚

一作純

昔如韞上鷹今

似檻中猿徒結千載恨空負百年怨棄席思君幄

疲馬戀君軒願垂晉主惠不愧田子魂

韓詩外傳晉文公至

河令曰籩豆捐之席蓐捐之手足胝胼面目黧黑者後之咎犯聞之而夜哭公曰寡人出亡二十年

乃今得返國。咎也。聞之。不喜而哭。意者不欲寡人  
反國耶。咎叔對曰。籩豆所以食也。而君捐之。席蓐  
所以臥也。而君棄之。手足胼胝。面目黧黑。有勞功  
者也。而君後之。今臣與在後中。不勝其哀。故哭。文  
公乃止。又昔者田子方出。見老馬於道。喟然有志  
焉。以問於御者。曰。此何馬也。曰。故公家畜也。罷而  
不爲用。故出放也。田子方曰。少盡其力。而老去其  
身。仁者不爲也。束帛而贖之。窮士聞之。知所歸心  
矣。○怨字亦收十四願  
與元韻爲三聲通韻

此代從軍老卒訴苦望卹之詩。前二設爲訴主  
之言。領起全首。僕本十句。備述從軍履歷。與所  
至勞績之事。張校尉李輕車皆借古以作影。將  
軍八句。轉到主亡侶少。世改績湮。窮老歸家之  
苦。昔如四句。感昔悲今。將上二層作一總束。後  
四點出終望收卹本旨。托物援古。雙頂串收。便  
覺色腴

音亮。

淮南王

擬漢舞曲  
歌辭雜舞

淮南王好長生服食鍊氣讀仙經

漢淮南王安淮南厲王長長子

也嘗作中篇八卷言神仙黃白之術

琉璃作盃牙作盤金鼎玉七合

神丹合神丹戲紫房紫房綵女弄明璫鸞歌鳳舞

斷君腸朱城九門門九閨願逐明月入君懷入君

懷結君佩怨君恨君恃君愛築城思堅劍思利同

盛同衰莫相棄

此譏淮南王徒好神仙致後宮生怨之詩前五點清篇主提破病根先敘當日求仙合藥之事合神四句則揣其妄想丹成之後欲與綵女游戲歌舞之樂以斷君腸三字顯出必不可得來

神仙樂事甚多。而獨言綵女。乃反引後宮怨曠也。朱城五句。方就宮女。表明願望之誠。鍊句有味。後二。突插喻意。收出盛衰莫棄之旨。節拍入古。

出自薊北門行

雜曲歌辭。魏曹植艷歌行。

府解題曰。出自薊北門行。其致與從軍行同。而兼言燕薊風物。若突騎勇悍之狀。薊即漁陽郡在遼西。故燕國也。

羽檄起邊亭。烽火入咸陽。徵師屯廣武。分兵救朔

方。

廣武縣名。朔方郡名。皆在邊地。

嚴秋筋竿勁。虜陣精且彊。

筋謂弓。竿謂

謂

天子按劍怒。使者遙相望。雁行緣石徑。魚貫度

飛梁。

易貫魚以宮人寵。

簫鼓流漢颶。旌甲被胡霜。疾風衝

塞起沙礫自飄揚馬毛縮如蝟角弓不可張時危見臣節世亂識忠良投軀報明主身死爲國殤楚辭

九歌之第十章名國殤言死王事者

此擬立功邊塞之作前八用逆筆先就邊境徵兵胡疆主怒敘起爲壯士立功之會寫一排場中八落出從軍鋪寫途路勞苦朔方早寒故多在塞上設色後四收到立節效忠偏以不吉祥語顯出無退悔心悲壯淋漓

鳴雁行

雜曲歌辭○郭樂府曰衛旄有苦葉

詩曰雝雝鳴雁旭日始旦鄭康成曰雁者隨陽之鳥似婦人從夫故昏禮用焉雝雝聲和也鳴雁行蓋始於此

邕邕鳴雁鳴始旦齊行命侶入雲漢中夜相失羣

離亂畱連徘徊不忍散。憔悴儀容君不知。辛苦風霜亦何爲。

此閨怨詩也。前四以雁爲比。寫聚而忽散之悲。後二忽若自悔。而其實非悔。乃所以警遊子也。託意深。運筆健。

春日行

雜曲歌辭

獻歲發。吾將行。獻歲開歲也春山茂。春日明。園中鳥多

嘉聲。梅始發。柳始青。泛舟櫪。齊擢驚。齊擢驚。齊舉擢而搖蕩。或

有驚也。奏采菱。歌鹿鳴。風微起。波微生。一作微風起。微波生。絃

亦發。酒亦傾。入蓮池。折桂枝。芳袖動。芬葉披。兩相

思兩不知

此言男女嬉遊各有所思而每苦不相知也前十六半寫春日陸遊之樂半寫春日水遊之樂皆就男邊說入蓮四句則就女邊說亦兼水陸却卽夏秋寫景後二總收醒出篇旨聲清何等宕

行路難

十八首選十○雜曲歌辭○樂府解題曰行路難備言世路艱險及離別

悲傷之意多以君不見爲首郭樂府云陳武別傳曰武常牧羊諸家牧豎有知歌謠者武遂學行路難則所起亦遠矣

奉君金卮之美酒璚瑁玉匣之雕琴

璚一作玳

七綵芙蓉

之羽帳九華葡萄之錦衾紅顏零落歲將暮寒

光宛轉時欲沉。願君裁悲且減思。聽我抵節行路

吟。抵。猶擊也。行路吟。即指行路。難詩言擊節而唱。行路難也。不見柏梁銅雀上。

寧聞古時清吹音。柏梁。漢武臺名。銅雀。魏武臺名。

行路難諸章。大抵皆感憤不平之作。此為首章。却先以時光易逝。徒悲無益意。反冒而起。且作

勸人之言。不就己說。取徑幻甚。前四勸人勿憂。先進以解憂之物也。突用四句平排而起。氣達

而詞麗。後六說到流光易逝。宜節悲思。越便以聽歌行路。點清題目。作諸章之領筆。收到好景

難留。醒出徒悲無益意。援古為證。妙在簡峭。

洛陽名工鑄為金博山。千蹠復萬鏤。上刻秦女攜

手仙。博山。鑪也。仙傳拾遺。蕭史善吹簫。為鸞鳳之響。秦穆公有女弄玉。善吹簫。公以妻之。一旦

弄玉乘鳳蕭史乘龍昇天而去承君清夜之歡娛列置幃裏明燭  
前外發龍鱗之丹綵內含麝芬之紫煙如今君心  
一朝異對此長歎終百年

此章設爲閨怨言人心易改可爲長歎也皆就博山上着筆前三先說博山斲鏤精巧攜手仙人卽將夫婦本當和好一照承君四句卽頂博山追敘從前承歡之樂亦賦中有比後二忽然勤轉君心忽異仍就對博山上跌出百年長歎來收得不測

璇閨玉墀上椒閣文窗繡戶垂羅幕中有一人字  
金蘭被服纖羅采芳藿春燕參差風散梅開幃對  
景弄春爵含歌攬涕恒抱愁人生幾時得爲樂寧

作野中之雙鳬。不願雲間之別鶴。

此章亦設爲閨怨。言良時當惜。那堪久別也。前六直就香閨佳人對景獨酌敘起。若從旁人看出者。便與前首不複幻出金蘭之名。卽有同心不可離居意。奇甚。後四說出情來。却先說抱愁不樂。然後以願雙悵別。點眼作收。旣得逆勢。且忽用比意。整筆空靈矯健。

瀉水置平地。各自東西南北流。人生亦有命。安能

行。歎復坐。愁酌酒。以自寬。舉杯斷絕歌路難。斷絕

絕路難亦指行路難。心非木石。豈無感。吞聲躑躅不敢言。

此章泛言生命不辰。難寬易感。不着邊際。正復無所不包。前四以瀉水四流。比出賦命不一。無用歎愁。真有天上下將軍之勢。後四欲寬不得。有感難言。妙在終不說破。意含而筆爽。

對案不能食。拔劍擊柱長歎息。丈夫生世會幾時。  
安能蹀躞垂羽翼。棄置罷官去。還家自休息。朝出  
與親辭。暮還在親側。弄兒牀前戲。看婦機中織。自  
古聖賢盡貧賤。何況我輩孤且直。

此章言孤直難容。宜安家食。自咏懷抱。乃諸詩  
之骨也。前四突然感慨而起。跌出生世不長。安  
能跼蹐。暗含仕途踴躍意。詞旨鬱勃。中六透筆  
寫出罷官歸家。正多樂事。乃憑空想像。莫作賦  
景觀。後二援古自慰。收出孤直不  
容。當安貧賤本旨。筆勢仍自傲岸。

愁思忽而至。跨馬出北門。舉頭四顧望。但見松柏

園。荆棘鬱蹲蹲。

園。園陵。蹲。蹲。茂盛貌。

中有一鳥。名杜鵑。言是

古時蜀帝魂。聲音哀苦鳴不息。羽毛憔悴似人髣。

飛走樹間啄蟲蟻。豈憶往日天子尊。寰字記蜀有王曰杜宇時

有荆人驚靈其尸隨水上。至汶山下忽復生。帝立

為相。後帝淫。驚靈妻遂禪位於驚靈。帝自亡去。升

西山隱焉。化為子鵑。時適二月。子鵑鳥鳴。念此死

故。蜀人悲之。聞子鵑鳴。即曰是我望帝也。

生變化。非常理。中心惻愴不能言。通首用元韻中

韻鵑字非

正韻也

此章言富貴無常。不勝惻愴。獨就杜鵑說。隱然

直斥至尊。前二從愁思出門領起。筆勢聳拔。舉

頭三句。先寫所見。圖寢荒涼。中有六句。獨就杜

鵑指點出一富貴無常樣子。後二收醒章意。本

欲忘愁而轉增惻愴。咽住得好。

中庭五株桃。一株先作花。陽春妖冶冶。二三月從風。  
簸蕩落西家。西家思婦見悲惋。零淚沾衣撫心歎。  
初送我君出戶時。何言淹留節迴換。何嘗言淹留  
之久至於時節迴換也。牀席生塵明鏡垢。纖腰瘦削髮蓬亂。人生不  
得恒稱意。惆悵徙倚至夜半。

此章與璇閨章意同。而運局則異。前四直賦春  
時。桃開桃謝。爲下引端。然中有兩層比意。先衆  
著花。比起和諧稱意。從風飄落。比起離別惆悵  
也。後八點清思。婦見桃生感實。敘別久獨居之  
悲。不恒稱意。徙倚中  
宵。與比意一呼一應。

剝葉染黃絲。黃絲歷亂不可治。我昔與君始相值。

爾時自謂可君意。結帶與君言。死生好惡不相置。

今日見我顏色衰。意中索寞與先異。還君金釵玳

瑁簪。不忍見之益愁思。

治字雖亦收寘韻而此當作支韻平聲與絲字及寘

韻中字爲第二部三聲通韻

此章與洛陽章意同而運局亦異前一言苦思心亂也突用比出筆勢聳然中六追昔感今言

情宛至後二用意從洛陽章對此長歎翻進一層更覺淒絕

君不見薜華不終朝。須臾奄冉零落銷。

薜華木槿也朝花暮

落陸佃云取一瞬之意

盛年妖艷浮華輩。不久亦當詣隴頭。

此四句係蕭九二韻第三部通韻

一去無還期。千秋萬歲無音詞。

孤魂煢煢空隴間。獨魄徘徊繞墳基。但聞風聲野  
鳥吟。豈憶平生盛年時。爲此令人多悲悵。君當縱  
意自熙怡。

此章與愁思章意相類。但彼就富貴者說。此就  
妖艷浮華者說。且彼就後日追溯從前。此就現  
在逆計身後。各各不同。前四以葬華易落。此起  
妖艷浮華之輩。不能久存。兼男女說。爲是中六  
頂上來。并逆料其身死久後。魂魄淒涼之苦。仍  
繳轉難憶生前。勸住後二。收出鑒茲悲悵。當自  
熙怡篇旨。以君起。以君結。章法一綫。君不見  
調十九章中凡六見。獨存此章。以見創體。

春禽喈喈旦暮鳴。最傷君子憂思情。我初辭家從  
軍僑。樂志溢氣干雲霄。

僑僑寓也。

流浪漸冉經三齡。忽

有白髮素髭生。今暮臨水拔已盡。明日對鏡復已。

盈。但恐羈死爲鬼客。客思寄滅生空精。空存此每

懷舊鄉野。念我舊人多悲聲。忽見過客問何我。寧

知我家在南城。問何我何問我也。寧知答云我曾

居君鄉。知君遊宦在此城。知君君字一本作我非

地而言我行離邑已萬里。今方羈役去遠征。來時聞

君婦閨中。嬌居獨宿有貞名。亦云悲朝泣。閑房又

聞暮思淚。霑裳形容憔悴。非昔悅蓬鬢衰顏不復

粧。非昔悅非復也見此令人有餘悲。當願君懷不暫

忘

此章自傷久役而懷其婦也。與對案章皆爲實賦已事。亦諸詩之骨。前二觸物感情。春禽和鳴。反與夫婦乖離也。通章領局。我初八句。先就已邊說。行役已久。志氣消磨。髮髭白素。恐不生還之苦。寫得又可笑。又可哭。每懷二句。遞落懷鄉念人正意。只以多悲聲三字一逗。下卽幻出客語傳情。空中樓閣來。最得文家避實避熟之妙。忽見八句。突接過客問答之辭。從敘次鄉貫。閒閒敘入。急脈緩受也。遞到婦有貞名。畧作一頓。末六。仍就客言。以亦云又聞。另筆提起。申敘舊人之思念。念君子容顏非昔。且以人見餘悲。勸其暫忘不得。陡然竟住。而已之聞言傷感。絕不一語兜收。却已隱然言外。學者解此用筆。自能惜墨如金。○據此章白髮素髭幾句。則參軍作此詩時。似在中年。乃其末章。有余當二十弱冠辰語。早衰如此。大奇大奇。○參軍五言擅長。樂府

諸章更超忽變化。生面獨開。固當與陳思王角雄爭勝。杜少陵第以俊逸目之。竊恐不足以盡其美也。

吳邁遠

善爲篇章。好自誇而嗤鄙他人。每作詩得稱意語。輒擲地呼曰。曹子建何足數。

哉。文帝聞而召之。及見曰。此人聯絕之外。無所復有。

古意贈今人

玉臺作鮑令暉作

寒鄉無異服。羶褐代文練。日月望君歸。年年不解

綖。

綖冠上所覆。不解綖。不解客路禦寒之綖而歸也。

荆揚春蚤和。幽薊猶

霜霰。

荆揚二州在南方。幽薊二州在北方。

北寒妾已知。南心君不見。

誰爲道辛苦。寄情雙飛燕。

謂誰卹已之辛苦。托燕寄書以達情也。

形

迫。杼。煎。絲。顏。落。風。催。電。杼煎絲喻不休。風催電喻甚速。容。華。一。朝。

改。惟。餘。心。不。變。此先霰二韻。第二部三聲通韻。

此擬閨人寄遠詩。製題甚新。前四先就客路苦寒。表已望歸之意。中六點時點地。再一相形。方以已之知彼。跌出彼不知已。音書濶絕。來後四再就已邊形。迫顏落。申明辛苦。仍卽貌改。兜轉心堅。應起作收。措詞特妙。

長相思

雜曲歌辭。○郭樂府引古詩及蘇李詩。言行人久戍。寄詩以遺所思也。

晨。有。行。路。客。依。依。造。門。端。人。馬。風。塵。色。知。從。河。塞。  
還。時。我。有。同。棲。結。宦。遊。邯。鄲。將。不。異。客。子。分。飢。復。  
共。寒。煩。君。尺。帛。書。寸。心。從。此。殫。遣。妾。長。憔悴。豈。復。

歌笑顏簷隱千霜樹庭枯十載蘭經春不舉袖秋

落寧復看。不舉袖不舉袖而歌笑秋一見願道意。

君門已九關。楚辭虎豹九關。下人些。虞卿棄相印。擔簦爲同

歡。史記虞卿傳虞卿者游說之士也躡屣擔簦說趙孝成王一見賜黃金百鎰白璧一雙再見爲

趙上卿故號爲虞卿又虞卿旣以魏齊之故不重

萬戶侯卿相之印與魏齊間行卒去趙困於梁魏

齊已死不得意乃著書閨陰欲早霜何事空盤桓

此擬閨人托客寄書於遠之詩意境亦闢前四

突就寄書之客說起逆筆也而設色處已爲所

思者作一影子時我四句順落所思將客愁就

客子証出煩君八句正敘寄書繫念客愁前已

借點故只說自己獨居冷况後六將勿圖進取

未及也。反覆丁寧。事理如此方真。章法如此方曲。

沈慶之

字弘先。吳興武康人。未冠。隨鄉族擊孫恩。屢捷。以勇聞。元嘉中。爲建威將軍。復

爲孝武撫軍中兵參軍。討元凶劭。進領軍將軍。充州刺史。封南昌縣公。時年七十。固辭就第。廢帝立。加侍中。太尉。以盡言諫諍。齋藥賜死。

侍宴詩

宋書上嘗歡飲。普令羣臣賦詩。慶之手不知書。眼不識字。上逼令作詩。慶

之曰。臣不知書。請口授師伯。上卽令顏師伯執筆。慶之口授之。云云。上甚悅。衆坐稱其辭意之美。

微生遇多幸。得逢時運昌。朽老筋力盡。徒步還南

岡。辭榮此聖世。何愧張子房。

漢書張良字子房。封留侯。良曰。良以三寸

舌爲帝者師。封萬戶。此布衣之極。於  
良足矣。願棄人間事。從赤松子遊耳。

逼令賦詩。卽借以吐乞休之意。便有着傍詩。雖  
質直而前自幸。後自誇。都帶頌聖在內。措辭極  
爲得體。武臣詩如此。能不使文人咋舌。

陸凱 字智君  
代北人

贈范曄詩

荆州記曰。凱與范曄友善。自江南  
寄梅花一枝。詣長安。與曄兼贈詩。

云。○唐注曰。曄爲江南人。陸凱字智君。代  
北人。當是范寄陸耳。凱在長安。安得梅花  
寄曄。穀按唐說  
有理。存以參考。

折花逢驛使。寄與隴頭人。

隴頭注見卷五。隴頭歌下。江南無所。

有聊贈一枝春。

只就寄梅說。而念北地之苦寒。恨南方之貧況。言外自然皆見。詩品最高。

一湯惠休

字茂遠。初入沙門。孝武命使還俗。官至揚州刺史。

怨詩行

擬漢相和歌辭。楚調曲。

明月照高樓。含君千里光。巷中情思滿。斷絕孤妾腸。悲風盪帷帳。瑤翠坐自傷。妾心依天末。思與浮雲長。嘯歌視秋草。幽葉豈再揚。暮蘭不待歲。離華能幾芳。願作張女引。流悲繞君堂。

潘岳笙賦。綴張女之哀彈。李善

注。張女引。蓋古曲。

君堂嚴且秘。絕調徒飛揚。

此擬閨怨詩也。前四就明月含光。引出空閨腸斷。以明月屬之於君。妙。卷中句。以他人作挑筆。

亦曲悲風四句。再就風雲點清自傷思遠。嘯歌四句。頂自傷芳年易逝。以草蘭比出。便活。後四頂思遠。以悲歌莫達。收醒怨思。茂遠言情。婉至如此。固宜其出家仍還俗也。顏延之乃謂其制作為委巷間。弘謠方當誤後生。抑知已詩板重。正不能作是語也。

劉侯父彥節權兼領軍將軍與袁粲謀誅齊高帝不克而死侯剃髮被法服逃至京口於

客舍爲人識  
執死建康獄

### 詩

城上草植根非不高。所恨風霜蚤。固可作草蚤二韻然高字亦可

作韻爲豪皓二韻  
第三部三聲通韻

意確筆峭似古歌謠真能使位尊無功之輩讀之面如土色。

沈玩官車騎將軍

前溪歌

七首選二○清商曲辭吳聲歌曲○宋書樂志曰前溪歌者宋車騎將軍

沈玩所制樂府解題曰前溪舞曲也茗溪漁隱叢話曰于兢大唐傳湖州德清縣南前溪村則南朝集樂之處今尚有數百家習音樂江南聲伎多自此出所謂舞出前溪者也復齋漫錄言陳劉刪詩山邊歌落日池上舞前溪唐崔灝詩舞愛前溪妙歌憐子夜長按智匠古今樂錄宋車騎將軍沈玩作前溪歌而非舞也蓋復齋不曾見于兢大唐傳故不知舞出前溪耳穀按庾子山烏夜啼篇有歌聲舞態異前溪句尤可顯證此歌之爲舞曲也

黃葛生。爛熳誰能斷。葛根寧斷嬌兒乳。不斷郎殷。

勤。

以黃葛比嬌兒。以葛根比郎也。但述已情。而不當負意。言外顯然。作綺語看。淺矣。

黃葛結蒙茸。生在洛溪邊。花落逐水去。何當順流還。還亦不復鮮。

此又以葛花隨水。一去不還。比郎之棄我如遺也。綴末語一掉。更覺曲深流逸。

鮑令暉鮑照妹

代葛沙門妻郭小玉作

二首  
選一

明月何皎皎。垂幌照羅茵。若共相思夜。知同憂怨晨。芳華豈矜貌。霜露不憐人。

言我如花之貌。雖不當矜。而霜露胡不見。

憐遠凌君非青雲逝。飄迹事咸秦。謂君非作宦遠

虐也。秦妾持一生淚。經秋復度春也。

女子代人作閨怨。頗為失體。而詩却劇佳。前六句景引情。却以若共知同。拓空將已情從彼邊逗出。字字轉。句句曲。後四方實點出彼不相思而已。獨憂怨不多綴語。愈覺味長。

無名氏

華山畿

二十五首選一。○清商曲辭吳聲歌曲。○古今樂錄曰。華山畿者。宋少帝

時懊惱一曲。亦變曲也。少帝時。南徐一士子。從華山畿往雲陽。見客舍有女子。年十八九。悅之。無因。遂感心疾。母問其故。具以啓。母為之。華山尋訪。見女。具說。女聞感之。因脫蔽膝。令母密置其席下。臥之。當已少日。果差。忽舉席。見蔽膝。而抱持。遂吞食。

而死氣欲絕。謂母曰：葬時車載從華山度。母從其意。比至女門。牛不肯前。打拍不動。女曰：且待須臾。粧點沐浴。既而出。歌曰：華山畿君既爲儂死。獨活爲誰施。歡若見憐時。棺木爲儂開。棺應聲開。女遂入棺。家人扣打無如之何。乃合葬。呼曰：神女塚。穀按：華山女子本歌止一首。餘皆後人擬作。故仍隸無名氏。

奈何許。天下人何限。慊慊只爲汝。

若自恨。若自明。一往深情。真能曲達。

讀曲歌

八十九首。選十二。○清商曲辭。吳聲歌曲。○宋書樂志曰：讀曲歌者。民間

爲彭城王義康所作也。其歌云：死罪劉領軍。誤殺劉第四。是也。古今樂錄曰：讀曲歌者。元嘉十七年。袁后崩。百官不敢作聲歌。或因酒讌。止竊聲讀曲。細吟而已。以此爲

名穀按今八十九曲中  
並無死罪劉領軍二句

花釵芙蓉髻雙鬢如浮雲春風不知著好來動羅裙。

上二。自矜其艷。下二。以風喻人。  
寫旖旎於莊重之中。何等身分。

逋髮不可料。憔悴爲誰睹。逋髮。髮之逸出髻根者。料。猶理也。欲知相憶時。但看裙帶緩幾許。

上二。空寫憔悴之形。下二。點清相憶。更以瘦損申足之。旣曰誰睹。又曰但看。寫出痴想神情。

憐歡敢喚名。念歡不呼字。連喚歡復歡。兩誓不相棄。

搗一歡字。就狎昵中寫出敬重來。  
真覺情至。兩不相棄。又硬派得妙。

奈何許石闕。生口中銜碑不得語。夷白齋詩話。石闕古漢時碑名。

云故

第就銜悲作隱語。而其  
故竟不說破。轉覺含蓄。

自從別郎後。臥宿頭不舉。飛龍落藥店。骨出只爲  
汝。

憶郎成病也。比  
得奇極幻極。

音信闊。弦朔方。惜千里遙。朝霜語白日。知我爲歡  
消。

與前章同旨。而前說人去。此說信稀。比意亦更進一層。

合冥過藩來向曉。開門去歡取。身上好不爲儂作慮。

述其辛苦。而囑其珍重。妙在末句以撇爲勾。情深筆曲。

詐我不出門。冥就他儂宿。鹿轉方相頭。丁倒欺人目。

上二數其罪。用顯筆。妙在下二形容得真甚古甚。

闊面行負情。詐我言端的。畫背作天圖。子將負星歷。

上二。數其罪。用暗筆。下二。  
就負心作隱語。奇而切。

打殺長鳴雞。彈去烏相鳥。願得連暝不復曙。一年  
都一曉。

只寫不欲天曉之痴情。而其故  
絕不說破。筆有古趣。意極含蓄。

下帷掩燈燭。明月照帳中。無油何所苦。但使天明  
儂。

只指天以明不負心耳。取象於  
月。更以無油剔醒之。運思曲甚。

一夕就郎宿。通夜語不息。黃蘗萬里路。道苦真無  
極。

以下二足上二雙關語亦極自然。○子夜讀曲等歌雖代分晉宋而敏妙則同撮其尤者宜一片讀也。

烏夜啼

八首選一。○清商曲辭西曲歌。○宋書樂志曰烏夜啼宋臨川王義慶所

作也元嘉十七年從彭城王義康於豫章義慶時爲江州至鎮相見而哭文帝聞而怪之徵還宅慶大懼伎妾夜聞烏夜啼聲扣齋閤云明日應有赦其年更爲南充州刺史因作此歌故其和曰夜夜望郎來籠窗窗不開今所傳歌辭似非義慶本旨又教坊記亦載此爲衡陽王義季事郭樂府以爲誤古今樂錄云烏夜啼舊舞十六人可憐烏曰烏彊言知天曙無故三更啼歡子冒闇去。

怨鳥啼誤催歡去也。一氣說下。直至末句。點清橫甚。不曰可惡。而曰可憐。措辭敏妙。

女門人王璵佩霞複校

古詩賞析卷十七終

古詩賞析卷十八目錄

齊詩

謝朓

和徐都曹出新亭渚

遊東田

新亭渚別范零陵雲

暫使下都夜發新林至京邑贈西府同僚

直中書省

和江丞北戍瑯琊城

晚登三山還望京邑

京路夜發

之宣城郡出新林浦

向板橋

郡內高齋閒望答呂

法曹

宣城登望

高齋視事

送江兵曹檀主簿朱

孝廉還上國

新治北窗和何從事

移病還園示親屬

秋夜

和王著作融八公山

和伏武昌登孫權故城

和王中丞聞琴

同王主簿有所思

同謝諮議銅雀臺

玉階怨

金谷聚

王孫遊

王融

琵琶

蕭詒議西上夜集

和王友德元古意

二首

巫山高

張融

別詩

劉繪

有所思

孔稚圭

遊太平山

陸厥

臨江王節士歌

江孝嗣

北戍瑯琊城詩

無名氏

楊叛兒

八首  
選二

古詩賞析卷十八

吳縣張玉穀蔭嘉選解

蔣曾煊德融

門人

蔣曾熿德明

校字

駟 嚴廷燦燦初

男 大鎔禹金

齊詩

謝朓

字玄暉陳郡人文章清麗初爲豫章王太

輔政以爲驃騎諮議參軍掌中書詔誥轉中書郎出補宣城太守建武中遷尚書吏部郎

永元初江祜等謀立始安王遙光遙光以朏兼知衛尉欲引為黨朏懼及禍不從乃稱敕召收下獄死年三十六臨終寄語沈約曰公方為三代史亦不得見沒

和徐都曹出新亭渚 徐都曹名勉有且昧出新亭渚詩丹陽郡新亭

在中興里吳舊亭也

宛洛佳遨遊。春色滿皇州。結軫青郊路。迴矚蒼江

流。日華川上動。風光草際浮。桃李成蹊徑。桑榆蔭

道周。東都已倣載。言歸望綠疇。東都即指宛洛

詩送徐出新亭渚而遊宛洛也。前四先從所往之地說起。點清現在出渚事中。四寫出渚時所見春景。後二即景中遙想彼處方事。春明因就轉瞬綠疇。點醒望歸作結。

遊東田

善注。眺有莊在鍾山東遊還作。

戚戚苦無悰。攜手共行樂。

無悰。猶無聊。

尋雲陟累榭。隨

山望菌閣。

菌。香草。楚辭。菌閣。今蕙樓。

遠樹曖阡阡。生煙紛漠漠。

阡阡。茂美貌。

魚戲新荷動。鳥散餘花落。不對芳春酒。還

望青山郭。

青山郭。近青山之郭也。

此賦遊以適興之詩。前四以寫憂尋樂說起。點清出遊東田。累榭菌閣。指山莊言。中四寫遊時所見初夏之景。兩遠兩近。後二則以無春酒。遽言歸。寄慨收住。

新亭渚別范零陵雲

范雲時爲零陵郡內史。

洞庭張樂地。瀟湘帝子遊。雲去蒼梧野。水還江漢

流。洞庭山名黃帝奏咸池之樂於上。瀟湘江之別名。帝子堯二女也。蒼梧近瀟湘之地名。舜崩於此。停驂我悵望輟棹子夷猶廣平聽方籍茂陵將見求。周處爲廣平太守三年滯訟一朝斷決司馬相如謝病居茂陵後病甚武帝遣所忠往求其書及至已卒言范作宦當如周處之聽訟聲名籍甚已將如相如之謝病家居徒以遺文見求於世。心事俱已矣江上徒離憂也。

前六突就范所往地援引古事寫出雲去水流之感落到我留子往愈覺此別神傷後四透後言將來升沉各異聚首末由妙在明已心事將俱已二字連范亦拖在內折到徒抱離憂陡然咽住江上字則又補點題中新亭渚也。

暫使下都夜發新林至京邑贈西府同僚

下疑

作還齊書謝朓爲隨王子隆文學子隆在  
荊州好辭賦數集僚友朓以文才尤被賞  
愛長史王秀之以朓年少相動密以啓聞  
世祖敕朓可還都朓道中爲詩以寄西府  
都與京邑皆指丹陽卽金陵也新林  
浦名在白鷺洲之南西府隨王府也

大江流日夜客心悲未央徒念關山近終知返路

長關山近言去都近返路長言去西府遠也秋河曙耿耿寒渚夜蒼蒼

引領見京室宮雉正相望金波麗鵲玉繩低建

章金波月光鵲觀名玉衡北兩星爲玉繩星建章宮名驅車鼎門外思見

昭邱陽馳暉不可接何況隔兩鄉風雲有鳥道江

漢限無梁

帝王世紀成王定鼎於郊鄩其南門名定鼎門荊州記曰當塗縣東有楚昭王

墓王粲登樓賦所謂西接昭邱言前日驅車鼎門之外思見昭邱已不可接何況丹陽與荊州兩鄉隔絕鳥道雖通風雲無梁可濟江漢也常恐鷹隼言昭邱者以楚昭好賢陰比子隆也擊時菊委嚴霜寄言尉羅者寥廓已高翔毛萇詩鷹隼擊然後尉羅設司馬相如諭蜀父老曰猶鷦鷯已翔乎寥廓之宇而羅者猶視乎藪澤前四卽江流以引客悲起勢蒼莽而徒念終知又分賓主兩層引下秋河六句頂關山近來言京室不遠也爲眼前之景驅車六句頂返路長來言西府難還也爲意中之情以不見昭邱剔出賦中有比後四方吐在府被讒之恨客悲之結穴贈詩之本旨也語反若自喜者然高極鷹隼句與末二句皆就鳥喻而幾難保全意反雜出菊委嚴霜一比愈見錯綜入古

直中書省

漢官儀中書省在右故曰右曹直直宿於省中也

紫殿肅陰陰。彤庭赫弘敞。風動萬年枝。日華承露

掌。

晉宮闕名。華林園南萬年樹十四株。方勺泊宅編徽宗興畫學。同試諸生。以萬年株上太平雀

爲題。在試無能識其何木。或密以叩中貴。中貴曰。

冬青木也。何義門云。卽詩隰有杻疏中。所謂萬歲

樹。蓋憶也。漢武故事。帝以銅作承露盤。玲瓏結綺

盤。上有仙人掌。掌銅盤以承雲表之露。玲瓏結綺

錢深沉映朱網。

東宮舊事。窗有四面結綺連紅藥。錢楚辭。網戶朱綬。刻方連些。

當階翻蒼苔。依砌上。茲言翔鳳池。鳴珮多清響。

晉書

荀勗自中書監爲尚書令。人賀之。信美。非我室中。乃發悲曰。奪我鳳凰池。何賀之有。

園思偃仰。朋情以鬱陶。春物方駘蕩。安得凌風翰。

聊恣山泉賞。

此在省思歸之詩。乃爲中書郎時所作。諸本雜編於宣城詩中。非是。前十起卽點清省中。隨細寫省中之景。而以茲言一聯。就省中之人。人皆艷羨頓住。反喝下文。後六接落已身。信美句。忽將上文一齊撇落。轉出歸思。懷人玩物。恣賞山泉。皆思歸之故也。前路噴噴鋪陳。不圖後路煙雲盡掃。筆極不測。

和江丞北戍瑯琊城

江丞名孝嗣。有北戍瑯琊城詩。見後。

春城麗白日。阿閣跨層樓。蒼江忽渺渺。驅馬復悠悠。京洛多塵霧。淮濟未安流。豈不思撫劍惜哉。無輕舟。夫君良自勉。歲暮勿淹留。

詩有惜其出戍意。前二先寫京城之景。白日雖麗。而阿閣層樓。重叠遮掩。中寓譏諂蔽明。正直

不。容。意。蒼。江。二。句。遞。落。江。之。北。戍。水。陸。路。最。京。洛。四。句。點。明。江。戍。所。在。時。危。難。濟。忽。就。已。身。作。一。感。慨。後。二。仍。兜。轉。江。丞。以。勉。其。成。功。早。歸。收。住。短。章。中。局。勢。開。拓。當。與。江。丞。原。作。並。傳。

### 晚登三山還望京邑

山謙之丹陽記江寧縣北十二里濱江有三山

相接即名爲三山舊時津濟道也京邑即指丹陽

灞。淚。望。長。安。河。陽。視。京。縣。

王粲七哀詩南登灞陵岸回首望長安此京縣

指洛陽潘岳河陽縣詩引領望京縣

白。日。麗。飛。甍。參。差。皆。可。見。餘。霞。

散。成。綺。澄。江。靜。如。練。喧。鳥。覆。春。洲。雜。英。滿。芳。甸。

喧

作賸覆言如覆其上也

去。矣。方。滯。淫。懷。載。罷。歡。宴。

滯淫淹留之意佳

期。悵。何。許。淚。下。如。流。霰。有。情。知。望。鄉。誰。能。鬢。不。變。

佳期還鄉之期。鬢黑髮也。

此因望京師而思歸之詩。若泥定望京後半便難索解。前四以前人比起。了却望京題面。中四則就登山所見春晚之景鋪敘。引動歸思。後六醒出久滯京國有懷故鄉之意。却以有情皆然。暗兜起處作結。蓋王潘二人皆有懷歸詩也。

京路夜發

說注此詩自丹陽之宣城郡

擾擾整夜裝。肅肅戒徂兩。

徂往也。兩車也。

曉星正寥落。晨

光復瀼瀼。

瀼一作泱。泱泱不明之貌。

猶沾餘露團。稍見朝霞上。

故鄉邈已遠。山川脩且廣。文奏方盈前。懷人去心

賞。

文奏謂簿書言之。郡後簿書方將盈。敕躬每踞前而懷念京邑故人。則已違心賞也。

躋。瞻。恩。惟。震。蕩。恩君也行。久。倦。路。長。無。由。稅。歸。鞅。

此之官宣城之詩前六點清夜發卽夜發寫所見之景中四分兩層一層在地方上顧後瞻前一層在人事上料前念後皆正寫在途懷抱後四則以循分供職自勉作收而遊倦難歸決絕之中仍含惆悵。

之宣城郡出新林浦向板橋

水經注江水經三山又湘浦出

焉水上南北結浮橋渡水故曰板橋浦江又北經新林浦

江。路。西。南。永。歸。流。東。北。鷺。天。際。識。歸。舟。雲。中。辨。江。樹。旅。思。倦。搖。搖。孤。遊。昔。已。屢。旣。歡。懷。祿。情。復。協。滄。州。趣。囂。塵。自。茲。隔。賞。心。於。此。遇。雖。無。立。豹。姿。終。隱。

南山霧

列女傳陶答子治陶二年名譽不興家富三倍其妻抱兒而泣姑怒以爲不祥妻曰

妾聞南山有玄豹隱霧而七日不食欲以澤其衣毛以成文章故藏以遠害至於犬豕肥以取之逢禍必矣期年答子之家果被盜誅

此亦之官宣城時作前四先寫江行之樂揭過題面後八則以久已倦遊跌出吏隱外郡庶幾可以遠害全身是爲題情較京路夜發作用意一變

郡內高齋閒望答呂法曹

郡宣城郡也望一作坐法曹掌刑名

之官呂僧珍爲齊王法曹

結構何迢遞。曠望極高深。窗中列遠岫。庭際俯喬林。日出衆鳥散。山暝孤猿吟。已有池上酌。復此風

中琴非君美無度。孰爲勞寸心。惠而能好我。問以

瑤華音。

瑤華音指呂來詩。

若遺金門步。見就玉山岑。

楊雄解嘲。

歷金門上玉堂。皇甫謐釋勸排閭闔步玉岑。

此因閒望思呂。遂答其詩。所謂兩截題也。前二高齋閒望。點題直起。窗中四句。皆寫望中景。然窗中句。頂上曠字。庭際句。頂上高深。日出山腹。則該一日說。衆鳥散。孤猿吟。已含獨望之感。爲思友引端。已有四句。渡到思呂。却又從閒望時補出。非無酌琴韻事。可以自樂。然後跌出非君孰思。曲折開展。後四句。感呂亦復念已。貽詩。卽美其詩。以若親來至作結。用玉山吟。乃暗兜前半高齋之景也。

宣城登望

一宣城下有郡內二字。

借問下車日。匪直望舒圓。望舒。月也。寒城一以眺。平楚

正蒼然。楚。叢木。平楚。猶平林也。山積陵陽阻。溪流春穀泉。威

紆距遙甸。嶢巖帶遠天。陵陽。山名。陵陽子明得仙於此。春穀。水名。威紆。長曲。

貌。嶢巖。高峻貌。切切陰風暮。桑柘起寒煙。悵望心已極。惆

悵魂屢遷。結髮倦爲旅。平生蚤事邊。言自小卽厭作客。而偏早

有事於邊界也。誰規鼎食盛。寧要狐白鮮。方棄汝南諾。言

稅遼東田。續漢書。汝南太守南陽宗資。任用范滂。時人謠曰。汝南太守范孟博。南陽宗資。

主畫諾諾。花押也。魏志。管寧聞公孫度令行海外。遂至遼東。高士傳。人或牛暴管寧田。寧爲牽牛着

涼處。自飲食之。其人大慙。

此因登望而思歸之詩。前四以在郡日久。落到  
登望。寒城十字。領起有力。中八正寫望中之景。  
一句山。一句水。威紆卽頂水說。巉巖卽頂山說。  
風暮煙寒。景中帶苦。悵望恫怳。卽景引情。後六  
自表平生倦遠宦。甘淡泊。勒到棄  
官歸田作收。援古自況。便不單弱。

高齋視事

高齋宣城郡。屏中之  
高齋視事。閱案牘也。

餘雪映青山。寒霧開白日。曖曖江村見。離離海樹

出。披衣就清盥。憑軒方秉筆。

秉筆謂有事簿  
書卽視事也。

列俎

歸單味。連駕止容膝。

案雖列俎而食不過一味。出雖連駕而居不過容膝。空

爲大國憂。紛詭諒非一。

言我視事秉公。雖懷憂國  
之心。而人情紛紛詭詐。安

能保其安得。掃蓬徑鎖我愁與疾。  
盡無也。

此因視事可厭而思歸之詩。前六先寫高齋所見雪後之景。落出就盟秉筆點清視事便有與之不稱意在後六。隨以人欲易足一拓轉到案牘紛詭可厭。而以安得歸家鎖愁與疾作結。筆有餘勁。

送江兵曹檀主簿朱孝廉還上國

齊書江泌字士清歷

仕南中郎行參軍又檀超字悅祖仕驃騎參軍寧蠻主簿鎮北諮議古詩紀朱孝廉有白雪曲上

國謂京師

方舟泛春渚。攜手趨上京。安知慕歸客。詎憶山中情。香風蕊上發。好鳥葉間鳴。揮袂送君已。獨此夜琴聲。

前四敘事。述彼之捨已。羣去。有悵悵意。後四補景。述已之送彼。獨留。有傲岸意。詩境清超。

新治北窗和何從事

北窗宣城郡廨中之北窗也

國小暇日多。民淳紛務屏。闢牖期清曠。開簾候風

景。泱泱日照溪。團團雲去嶺。峇嶸蘭櫟峻。駢闐石

路整。楚辭桂棟兮蘭橈。注以木蘭爲椽也。池北樹如浮。竹外山猶影。

池中水滿岸樹如浮竹。雖茂密猶露山影也。自來彌弦望。及君臨箕穎。

彌滿也。言治窗甫滿一月而何適來也。箕山穎水許由巢父隱處。清文蔚且咏。微

言超已領。清文微言。指何原唱。不見城壕側。思君朝夕頃。迴

舟方在辰。何以慰延頸。言何居停於此。偶然不見於城壕之側。朝夕猶思今

歸舟之解近在明辰

何以慰我盼望也

此因何有題已新治北窗詩和之而即送其行也。前四就已新治北窗說起因在官廨故以園小民淳引入。期清曠候風景領下寫景泱泱六句皆言窗外所見清景。池北十字達得如畫。自來四句轉到何來吟詩就詩贊美。後四乃送行之情以暫隔猶思跌出遠別繫念筆曲而不見延頸仍與開窗望遠相關。

移病還園示親屬

移病以病解官園家園也

疲策倦人世。斂性就幽蓬。

疲策疲於驅策幽蓬戶也

停琴佇涼

月滅燭聽歸鴻。涼薰乘暮晰。秋華臨夜空。

薰香草一作薰

也 晰明也。葉低知露密。崖斷識雲重。折荷葺寒袂。開鏡

盼衰容。海暮騰清氣。河關秘棲冲。

河關謂近河之關。塞棲冲。棲止。

而冲舉也。

煙衡時未歇。芝蘭去相從。

衡。杜衡。似葵而香。芝蘭比親屬。言當

相從過訪也。

首二直點移病還園起停琴六句。接寫幽居秋夜之景。琢句多佳。折荷四句。申敘幽居之事。騰清氣。秘棲冲。正所以養病也。後二思與幽人過從。拍到示親屬意作收。

### 秋夜

秋夜促織鳴。南鄰擣衣急。思君隔九重。夜夜空佇立。北窗輕幔垂。西戶月光入。何知白露下。坐視階前濕。誰能長分居。秋盡冬復及。

此詩亦可作思家解。然作擬閨怨解爲妥。前四點清秋夜就秋聲引入懷人佇立中四寫佇立所見夜景何知十字賦物最工。後二醒出不堪久別之情爲題中秋字透後作收。

和王著作融八公山

王著作名融見後淮南子淮南王安養士數千

人中有高才八人蘇非李上左吳陳由伍被雷被毛被晉昌爲八公神仙傳雷被誣苦安謀反八公謂安曰可以去矣乃與登山卽日升天八公與安所踏山上石皆陷成跡至今人馬跡猶存穀按雷被旣列八公何得告安謀反旣告安謀反何得又云八公謂安可去二書必有一誤

二別阻漢坻雙嶠望河漢

二別小別大別皆近漢之山嶠同殺雙嶠謂殺

谷殺有二陵故曰雙陵近河地

茲嶺復嶺分區莫淮服東限瑯

瑯臺西距孟諸陸

山海經瑯瑯臺在渤海間瑯瑯之東孟諸澤在八公山東而云

西距者謂澤西距山以避上句東字耳

阡眠起雜樹檀藥蔭脩竹日

隱澗疑空雲聚岫如複出沒眺樓雉遠近送春日

樓城樓城高丈長丈曰堵三堵曰雉

戎州昔亂華素景淪伊穀

戎州謂秦

苻堅晉以金德王故曰素景伊穀近洛水名言苻堅亂華晉去洛陽而渡江避之也

陸危賴

宗袞微管寄明牧

陸音鹽臨危曰陸微管即無管仲意時衛將軍謝安薦兄子玄

為建武將軍兗州刺史領廣陵相監江北諸軍事玄因破苻堅於八公山下宗袞指安明牧指玄也

長蛇固能翦奔鯨自此曝

長蛇奔鯨喻堅翦曝破之也

道峻芳

塵流業邁年運倏平生仰令圖吁嗟命不淑浩蕩

別親知連翩戒征軸。再遠館娃宮。兩去河陽谷。館娃

宮吳夫差築以貯西施者。風煙四時犯。霜雨朝夜

沐。春秀良已凋。秋塲庶能築。春秀凋謂精神已衰。秋塲築將去官而歸。

也。田

前六以二別雙嶠陪起。先敘山川之形勢。阡眠六句就山寫景。眺樓送目。卽起下意。戎州八句就山弔古。不述八公舊事。止懷二謝近功。避複原唱。卽其親者言也。道峻一聯。又起下意。後上承上轉入己身。自歎生命不淑。南北奔馳。無時休息。而以精神已衰。逝將歸老作收。筆致固佳。然題是和人咏山。竟無一語兜轉。亦是疎處。

和伏武昌登孫權故城

伏曼容爲武昌太守。孫權故都在武昌。

炎靈遺劍璽當塗駭龍戰漢以火德王炎靈謂漢也當塗謂魏後漢獻帝

紀許昌氣見當塗蓋聖期缺中壤霸功興寓縣同寓

當塗而高者象魏也字言聖王不作而霸鵲起登吳山鳳翔凌楚甸莊

主競興兼吳蜀說君子得時則蟻行失時則鵲起東都賦龍飛白水

鳳翔參墟孫氏初基武昌後徙建業故云吳山楚也衿帶窮巖險帷帟盡謀選

臣皆妙北拒溺驂鑣西龕收組練北拒謂敗曹操

選也同勝也西戡謂江海既無波俯仰流英盼謂時幸

盼自雄盼一作盼裴冕類禪郊卜揆崇離殿周禮王祀昊天上帝則服

大裘而冕祀五帝亦如之類禪郊皆祭名卜揆用詩卜云其吉揆之以日蓋建國必卜而作室必度

日景以知東西視定  
準極以正南北也  
釣臺臨講閣樊山開廣譙臺

臺名樊山即袁山皆在武昌  
講閣講武而簡閱車徒也  
文物共葳蕤聲明且

葱蒨  
皆盛貌  
三光厭分景書軌欲同薦  
薦獻也  
言三光

厭分其照臨欲書  
軌之歸一統也  
參差世祀忽寂寞市朝變  
左傳

庭堅不祀忽諸  
忽忽然不祀也  
舞館識餘基歌梁想遺轉故林衰

木平荒池秋草徧雄圖悵若茲茂宰深遐睠  
茂宰謂伏

武昌  
幽客滯江臯從賞乖纓弁  
幽客眺自謂乖纓弁不列賓從之中

也  
清卮阻獻酬良書限聞見  
良書謂載籍  
幸藉芳音多

乘風采餘綯  
芳音餘綯謂伏原詩  
于役儻有期鄂渚同游衍

鄂渚地名  
在武昌

此係遙和伏詩前十。從漢末魏乘霸功雜起。遞落孫氏雄據吳楚。用人拒敵之業。城在楚地。鳳翔句。是點題。江海八句。敘鼎足既定後。孫權在城郊天策殿。臨閣開講。文物聲明之盛。以上皆是述古。三光十句。轉到天意厭分欲合。孫氏國亡世改。後故國目前。淒涼之景。而以伏曼容宦遊。憑甲頻住。後八方敘已身未及從遊。見詩遙和。仍以慨想同遊鄂渚。兜轉故城作結。章法密甚。○宜城詩多流利。而此二章皆排比鋪陳。另是一種。然清氣在骨。終不以詞華掩也。

### 和王中丞聞琴

涼風吹月露。圓景動清陰。

圓景月出

蕙風入懷抱。聞君

此夜琴。蕭颯滿林聽。輕鳴響澗音。無爲澹容與。嗟

跼江海心

前四。以夜景遞落。聞琴妙在蕙風入抱。視得有力。後四。接寫琴聲。勸其勿耽幽寂。而琴之足以移人。愈可見矣。此種詩。亦有絃外之音。涼風蕙風。叠用。却是小疵。

同王主簿有所思

擬鼓吹曲辭漢饒歌

佳期期未歸。望望下鳴機。徘徊東陌上。月出行人

稀。

先寫情後寫景。則景中無非情矣。詩境超甚。

同謝諮議銅雀臺

謝諮議名璟。○銅雀臺又名銅雀妓相和歌辭平調

曲。○銅雀臺在鄴城。建安十五年築。其臺最高。上有屋一百二十間。連接樓棟。侵微

霄漢鑄大銅雀置於臺巔舒翼奮尾勞若飛動因名銅雀臺

總帷飄井榦樽酒若平生鬱鬱西陵樹詎聞鼓吹

聲

布之細而疎者謂之總榦一作幹井欄曰幹凡臺上有欄者通謂之井榦魏武遺令吾死之後

葬於鄴之西岡上吾妾與妓人皆著銅雀臺臺上施六尺牀下總帳朝晡上酒脯帳繡之屬每月朔

輒向帳上作伎汝等時登臺望我西陵墓田芳襟染淚迹嬋娟空復情

玉座猶寂寞况乃妾身輕

詩以誚魏武也前四以置酒鼓吹託於陵樹不聞已極婉妙後四更以玉座寂寞從染淚之妾自寬自解中點出絕不露非笑之痕何等溫厚

玉階怨

相和歌辭楚調曲

夕殿下珠簾。流螢飛復息。長夜縫羅衣。思君此何極。

此宮怨詩。能於景中含情。故言情一句便醒。

金谷聚

雜曲歌辭。郭樂府失載。

渠碗送佳人。玉杯邀上客。渠。車也。渠。車馬。一東西別後。

思今夕。

只說別時之景。別後尚足繫思。而別時之苦。不言顯矣。用筆最妙。

王孫遊

雜曲歌辭。

綠草蔓如絲。雜樹紅英發。無論君不歸。君歸芳已。

歇

上二寫春景以見急當歸也。下二從不歸兜轉一筆。醒出卽歸已晚而不歸之感愈深。真乃意新筆曲。

王融

字元長。宋中書舍人僧達之孫。少警慧。博涉多通。武帝時爲秘書丞。歷中書郎。竟陵

王子良於東府募人授爲寧朔將軍軍主。武帝大漸謀立竟陵王及鬱林卽位。詔收下獄。賜死。

琵琶

抱月如可明。懷風殊復清。絲中傳意緒。花裏寄春情。掩抑有奇態。悽鏘多好聲。芳袖幸時拂。龍門空

自生

詩賦佳人彈琵琶也。前二就已抱未彈。先一描寫不切而切。何其靈妙。三四傳意寄情。是以彈之故。絲中花裏作對。扣得清。亦拓得活。五六乃寫彈之態。與彈之聲。正面亦極劉亮。惜末二意將歸重於人。反拓作收。而用筆畧晦滯。

蕭諮議西上夜集

徘徊將所愛。惜別在河梁。

謂將所愛之人。忽然送別於河梁之上。是可惜也。

也。衿袖三春隔。江山千里長。

衿袖三春隔。分衿於三春時也。寸心

無遠近。邊地有風霜。勉哉勤歲暮。敬矣事容光。山

中殊未懌。杜若空自芳。

此送蕭詩也。前四敘別正面一起用筆。特爲敏妙。中四接千里來。先念其之邊辛苦。隨最其勤事保身後二。乃以自傷離索作結。

和王友德元古意

二首。○齊書王晏子德元有意尚官車騎長史。

遊禽暮知返。行人獨未歸。坐銷芳草氣。空度明月輝。嘔容入朝鏡。思淚點春衣。巫山彩雲沒。淇上綠楊稀。待君竟不至。秋燕雙雙飛。

兩章皆擬閨怨。此章從春說起。前二以禽知返。跌出人未歸。先將怨端點醒。中四正寫春閨冷寂之怨。後四以歡期杳。時物變。收到空待至秋。以燕雙反撲醒意。恰與起應。

霜氣下盟津。秋風度函谷。

盟津卽孟津。

念君婁以寒。當

窗卷羅縠。纖手廢裁縫。曲鬢罷膏沐。曲鬢髮曲局也。千里不相聞。寸心徒紛蘊。蘊與溫通。平聲。况復飛螢夜。木葉亂紛紛。

此章獨就秋說。前六頂秋來。卽風霜點出所思之處。隨以念寒製衣。手勞髮曲。致已殷勤。後四轉韻。以音稀申足心鬱。螢飛葉亂。仍就秋景難堪。拓筆收住。亦與起應。

巫山高擬鼓吹曲辭漢饒歌

想像巫山高。薄暮陽臺曲。宋玉高唐賦。妾在巫山之陽。高邱之岨。旦爲行

雲暮爲行雨。朝朝暮暮。陽臺之下。煙雲乍舒卷。猿鳥時斷續。彼美

如可期。寤言紛在囑。紛在囑言若。在目前也。惓然坐相思。秋

風下庭綠

此實賦巫山神女事也。前四想像山景薄暮陽臺已含神女在內。後四懷念其人妙在惘然相思下。忽寫一句秋堂冷景陡然收住。最有餘味。

張融

字思光。吳郡人。仕宋爲封溪令。辟齊太傅掾。張氏自歎以來並以理音辭脩儀範爲

事。至融風止詭越意制猶多。高帝見而笑曰。此人不可無一。不可有二。歷官黃門郎。司徒左長

史。

別詩

白雲山上盡清風。松下歇欲識離人悲。孤臺見明月。

上二。寫別後景。下二。反若以月為驗愁之物。善於措辭。

劉繪

字士章。彭城安上里人。雅麗有風。則初為高帝行參軍。歷中書郎。竟陵王開西邸。繪

為後進領袖。明帝初為太子中庶子。及東昏見殺。與博士范雲。賁首詣梁武於石頭。轉大

司馬從事中郎。卒。

有所思

擬鼓吹曲辭。漢饒歌。

別離安可再。而我更重之。佳人。不相見。明月空在帷。共御滿堂酌。獨斂向隅眉。中心亂如雪。寧知有所思。

此閨怨詩。前四將別離翻深一層。再翻深一層。落出佳人不見。更以明月在帷。虛拓一筆。有所

思意已躍然言下。後四忽以滿堂酌酒。剔出愁人向隅。正寫思矣。却以心亂如雪。寧知有思。翻空收住。真無一筆直。一筆實也。

孔稚圭

字德璋。會稽山陰人。以文翰爲高帝記室。與江淹對掌辭筆。永明初。歷廷尉御

史中丞。建武初。出爲南康太守。永元初。遷太子詹事卒。

### 遊太平山

石險天貌分。林交日容缺。陰澗落春榮。寒巖畱夏雪。

四句皆寫景。而鍊句特奇闢。亦是一格。

陸厥

字韓卿。少有風概。好屬文。州舉秀才。永元二年。父閑坐始安王遙光事。被誅。遂感慟。

而卒

臨江王節士歌

雜歌  
謠辭

木葉下江波。連秋月照浦。雲歇山秋思。不可裁復。  
帶秋風來。秋風來已寒。白露驚羅紈。節士慷慨髮。  
衝冠彎弓掛。若木長劍竦雲端。淮南子若木在建木西。末有十日其

華照地

歌賦節士之慷慨也。然節士最善悲秋。秋令肅殺。增人壯氣。故前路以秋引入。首三先泛寫秋景。中四點明秋思。已伏節士却仍頂秋風連轉作逼。後三始突接節士慷慨。隨用整筆。換寫其慷慨之形。截然竟注。首節鏗鏘入古。

江孝嗣

北戍瑯琊城詩

驅馬一連翩。日下情不息。芳樹似佳人。惆悵余何極。薄暮苦羈愁。終朝傷旅食。丈夫許人世。安得顧

心憶。

憶一作憶。

按劍勿復言。誰能耕與織。

前六直敘就道念家羈旅之苦。芳樹似佳人。用意奇。用筆更幻。後四轉到以義割情。吐出英雄本色。亦有勁氣。

無名氏

楊叛兒

八首選二。○清商曲辭西曲歌。○本曰楊婆兒。齊隆昌時童謠歌也。因其

送聲云。叛兒教儂不復相思。  
時人擬作。遂名爲楊叛兒。

暫出白門前。楊柳可藏烏。  
歡作沉水香。儂作博山爐。

上二寫景。却含歡可來就意。下二則置歡懷抱之隱語也。取象亦巧。

歡欲見蓮時。移湖安屋裏。  
芙蓉繞牀生。眠臥抱蓮子。

以蓮隱憐。前人已。有。此更有勾留之意。翻得愈出愈奇。

女門人王瑗佩霞複校

古詩賞析卷十八